

MOFORETŠI WA VAT O AHLOLETŠWE MENGWAGA YE 15 YA KGOLEGO

Pretoria, Labobedi 27 Agosetose 2019 – Rakgwebo wa ka Welkom yo a foronyakilego SARS ka go diriša didirišwa tša ditrasete le ditheo tša semolao, o ahloletšwe mengwaga ye 15 kgolegong ka Labohlano la 23 Agosetose 2019.

Mrn. Recado Williams Davids o ipone molato go dipalo tše 404 tša bomenetša bakeng sa go romela dipušetšo tše 404 tša bomenetša tša Motšhelo wa Boleng bja go Oketšwa (VAT) go SARS, go laodiša ditseno le dintšho tša maaka. Bomenetša bjo bo dirilwego magareng ga 2007 le 2015 bo phethagetše ka go diriša ditheo tše 12 tša semolao, go akaretša baemedi ba bona le maloko.

Mrn. Davids o ipone molato go ya ka boipiletšo bjo bo fihleletšwego le mmušo.

Dipalo tša melato di kopantšwe mmogo bakeng sa morero wa kahlolo. O ahloletšwe mengwaga ye lesomehlano kgolegong yeo mengwaga ye 6 e fegilwego ka mabaka. Ke gore kgolego ya mengwaga ye senyane e phethagadišwe.

Mo kgetsing enngwe, Kgorotsheko ya ka Kimberly e ahloletše mengwaga ye mehlano ya go fegwa go ralgwebo wa ka Kimberley bakeng sa dipalo tše 32 tša bomenetša bja VAT, le melato e mengwe ya bosenyi ye 47 ya go akaretša boforetši le bosenyi bja etšišo le go tshela molao wa VAT le Melao ya Taolo ya Motšhelo.

Mrn. Joseph Thabo Modupe, yo e lego modulasetulo wa Droogfontein Community Property Association le mong wa kgwebo ya dithekisi, ba dirile bomenetša bja VAT ka go digwebo tše pedi tša gagwe. O ile a faenwa R50 000 gomme o ile a laetšwa go lefela morago SARS tšhelete yeo a e hweditšego ka bomenetša.

Ka tumelanelano ya boipiletšo yeo e fihleletšwego le mmušo, o dumetše gore o forokantšhitše SARS palo ya go batamela R550 000 ka go se laodiše letseno ka moka gape le go romela dikleimi tša go fošagala tša ditseno. Borakgwebo ba ba babedi gape ba hlotšwe ke go romela dipušetšo tše 30 tša VAT magareng ga 2013 le 2017.

Mrn. Modupe go išapele o ipone molato go dipalo tše 8 tša bofora le dipalo tše 8 tša bosenyi bja etšišo bakeng sa go fana ka ditšhupatefelotša go fošagala go SARS bakeng sa thekgo ya motšhelo wa ditseno wo o kleimilwego gape bakeng sa go palelwa ke go romela pušetšo ya motšhelo ya letseno la mong bakeng sa ngwaga wa motšhelo wa 2014.

O šetše a lefetše SARS palo e kgolo gomme yeo e šetšego o tla e lefela bjaleka ge a laeditšwe ke kgoro ya tsheko.